

## Vakabibitaki ni Dodonu ni Kawa Tamata e King County

E na i ka tinikadua ni siga June, 2020, na i liuliu ni matavolavola e King County, Dow Constantine kei na Daireketa ni Tabana ni Tiko Bulabula, Patty Hayes, rau vakatauca ni na veivakaduiduitaki vaka kawa tamata e vakaleqa tale tikoga na tiko bulabula. E vu cake mai na vakalesilesi oqo ni sa mai rogoci kina na kudru ni lewenivanua ka sa mai virikotori na i tuvatuva oqo me daumaka sara kina na veiqaravi e King County.

E vakadeitaka na vanua o King County ni na vakarautaka taucoko na gacagaca e gadrevi me na tarova na veivakaduiduitaki vaka kawa tamata ka qarava nai tavi kece, ena dua nai tuvatuva vakarautaki, me valuti ka me vakavotukana kina na veisau.

Na i tuvatuva oqo e bucini mai nai tovo vinaka vaka oqo:

- Tu taka na bula veiwekani kei na veirokorokovi vaka kawa tamata
- Vakatabakidua na veiqaravi vei na vanua eso e tarai tu kina ira na yago loaloa i merika kei ira talega na kawa taukei mai na vei matanitu eso (BIPOC)
- Me rogoci na vakatutu se kudru na BIPOC
- Vakatautauvatataki na veiqaravi ena kena vakatagedegede e cake sara, savasava ka dodonu
- Valuti na waka tu ni veivakaduiduitaki se na veivakacacani vaka kawa tamata.

Na vakatauci ni lewa oqo e ra veitokoni kina na daunivakatutu, lewe ni vanua, tabana ni matanitu ena lomai King County, e mai biuta vata nai liuliu ko Dow Constantine e vica na vakatutu ka rawa ni veisautaka na lawa me baleta na leqa oqo kei na vagolei na veivuke vakailavo me tarova na veivakaduiduitaki vaka kawa tamata.

E na gauna oqo, e vakaraitaka nai liuliu ko Dow Constantine ni tiko nai tuvatuva me baleta na veivakatorocaketaki, veisautaki ni lawa vaka kina na veivuke vakailavo me baleta na cakacaka ni valuti na veivakaduavatataki ni veikawa tamata eso. Na kena lavelave matailalai ena qai vakarautaki ni kacivaki oti na tuvatuva vakailavo ena macawa mai oqo.

Na tuvatuva vakailavo ni yabaki 2021-2022 e vakanamata ena kena dikevi tale na lawa me rawa ni vakalailaitaka na kena basuki wasoma e dua na cala ka muduki kina na nodra okati na gone se na tabagone ena basu lawa ena nodra tuberi, ka mena veivuke kina na lewe ni vanua me wali na leqa, vakailavotaki na sasaga era a sa tauyavu oti tiko wili kina o ira na lewe ni cakacaka ena BIPOC.

Nai tuvatuva vakai lavo e tu na kena yavu. Na tuvatuva vakailavo ni yabaki 2021-2022 e wili kina na veivakatorocaketaki ka vakabibitaka na dodonu kei na savasava ni tamata yadua ka vakauasivi na kena sotavi na nodra leqa o ira na yago loaloa se na taukei ni vanua e King County.

### Na yavu ni tuvatuva vakai lavo ni yabaki 2021-2022

- Vakabibitaki na dodonu ni kawa tamata, Vakabibitaki na kena rogoci na kudru kei na kena vakarautaki nai wali ni leqa vei ira era vakaleqai
- Vakadeitaka na nodra tokoni na BIPOC ena veitabana kece ni veiliutaki
- Vidavidai na lako ni taba cakacaka ni ovisa kei na tabana ni lawa ka qarava na lewe ni vanua
- Vakatorocaketaki ni vei soqosoqo vakavanua
- Tokoni na sasaga ni noda vanua kei na yavu ni tuvatuva vakai lavo

Nai tuvatuva vakailavo ena yabaki oqo e viri kotori kina na sasaga me veisautaki vakadua na itovo ni veimaliwai ena noda itikotiko ka me vakavotukanataki na yavu ni veiwekani ena kawa tamata kece. Ni oti na kena dikevi nai tuvatuva vakailavo oqo, e sa tiko na sasaga me na vakavinakataki eso na vanua ka a mai luluqa kina na veiqaravi.

Na sasaga oqo e na gadreva na cakacaka vata ni lewe ni vanua ka me na tarovi na kena dau talevi vakavuqa e dua na leqa ka me tutaka na veilomani ena noda itikotiko. Nai tuvatuva ena gauna mai liu e tiko kina na kena vagolei nai yau mai na vanua ni veiqaravi e sega ni dodonu se savasava, wili kina na kena lewa se parokaramu ka vayavalata na BIPOC kina veivakatorocaketaki vinaka ena noda I tikotiko.

Ena vei tuvatuva kece vakailavo, e dau gadreva nai liuliu ni King Country, Dow Constantine na vakatutu mai vei ira na lewe ni vanua se tabana ni veiqaravi eso. Ia, nai tuvatuva ena tavoci ena macawa mai oqo e a qaravi sara vakamatau vakauasivi na kena vakatorocaketaki na veika vakalawa kei na vakabibitaki na cakacaka ni bula veimaliwai vinaka.

Na tuvatuva ni lavo oqo e kovuti kina e tolu na dina: vakatorocaketaki na rawa ka, dikevi tale eso na vanua ka vagolei kina na veivakatorocaketaki kei na veisautaki nai tovo ni rai.

#### **Tuvatuva vakailavo ni yabaki 2021-2022:**

- Musuki e \$4.6 na milioni mai na vakacavacava ni mariwana
- Vagolei e \$6.2 na milioni kina vakavinakataki ni gaunisala ni taubale (Restorative Community Pathways)
- Vagolei e \$750, 000 me vakabulabulataka ka vukea eso na gaunisala ni kena maroroi na taudaku ni taoni e King County
- Musuki e \$1.9 na milioni ka dau vagolei ena vanua ni veikadodonutaki ena kena yadravi nai wiliwili ni tamata era qaravi ena tabana oqo
- Vagolei e \$600, 000 ena tabana ka dau qarava tiko yavavala ena vuku ni yaragi
- Vagolei e \$2.7 na milioni ena nodra vukei o ira na se qai curu vakadua ena vanua ni veivakadodonutaki, ka vukei ena parokaramu eso me tarova na kena yaco tale
- Veivuke kina na Skyway Community Center
- Veisautaki na sasaga ena Metro

Ena tomani tiko ga na vakavinakataki ni sasaga oqo kei na kena vakayagataki na lewe ni vanua me ra vukea na wali ni leqa eso. Nai tuvatuva e tiko me vagolei na iyau mena vakabibitaki na kena bucini edua na veiwekani vinaka, mamarau ka taqomaki vinaka ena keda maliwa vakauasivi na noda vakaduavatataki kei na maroroi na dodonu ni tamata yadua se BIPOC vakai tikotiko e King County.

E vakarautaki tu nai lavelave ena [Executive Press Release](#) ka viritokori tu kina nai tukutuku kece me baleta na sasaga vinaka ni vanua o King County.

E na vakatututaka tiko ena matabose levu ni King County Council ena 22 ni Seviteba na liuliu levu, Mr Constantine na matailalai ni tuvatuva vakailavo ena yabaki 2021-2022.

Ni oti na kena vakadonui ni tuvatuva vakailavo ena 22 ni Seviteba, ena vakarautaki e dua na timi e King County me vakumuni tukutuku mai vei ira na lewe ni vanua me vukea na kena vakadavori na lawatu e nanumi tiko me tavoci ena yabaki oqo ka me vakavinakataki talega na bula veiwekani vinaka ena veisiga ni mataka.

Ena vula o Noveba, e na vakadonui kina na tuvatuva vakailavo mai vei ratou na matabose levu na King County Council ka na digitaki talega kina na vakatutu e ra a biu cake ma kina.

#### **Lawatu**

Na lawatu e bibi vei keda baleta e tarai keda na kena revurevu. Mai na lomani koronivuli kina na toalili kina bisinisi se na dua ga naka, na lawatu ei dusidusi kina na vei parokaramu kei na veiqaravi era vakatabiki duataki vei keda na lewe ni vanua e King County. Na lawatu e rawa talega ni dua na gaunisala e wali kina na veidredre e lako curumi ka vueta na vakatagedegde ni bula; se, ena dua nay asana, rawa talega ni vakacacana na bula ni dua na tamata se dua na tikotiko.

Na vanua o King County e vakabibitaka na lawatu oqo me vakauakauwataki ka vakavutuniyautaki na nodra bula raraba na yago loaloa kei na taukei dina ni vanua mera raw aka vinaka nna lewe ni vanua e King County. Na kena gadrevi ka kena vakarautaki nai tukutuku ena veisau. Na vakamatai lalai ni lawatu oqo ena qai vakarautaki ena ilavelale ni macawa mai oqo.

- Veivaka vakalawa
- Vakatorocaketaki ni veika vakailavo
- Tiko Bulabula, Tovo ni Veimaliwai kei na Veivakavaletaki
- Veivakatorocaketaki kei na Noda Yau Bula

Na veitukutuku me baleta na vei lawatu kei na veivuke eso e na vakarautaki tiko ena mona livaliva ni Office of Performance, Strategy & Budget ni oti na kena vakadonui na tuvatuva vakailavo ni 2021-2020 ena ika 22 ni Seviteba.